

Plata dla ploania – informaziun:

- **Ministronc:** i lasciun alessei che, por gaujes de privacy, gnarál da sen ennant ma plü publiché i ennom dai ministronc co va ia por l'edema a sorví (da doman y la domegna scora elementara, da sera y domegna scora mesana).
- **Aodanzes:** i recordun ch'i metun sôn plata de ploania les aodanzes por chi co complesc i 75 agn y spo düc dai 80 agn ensö. Sce zacai n'ô nia, por sôa privacy, che so compliann vegni publiché esai der bel periés da le lascé alessei.

1 infurmaziuns y terminis

“**De mondial de oraziun dles Eres**”: l'Uniu dles Eres dal Decanat envieia les eres a tó pert al de mondial d'oraziun en **vendres ai 1 de merz a Oies**. Ales 15:00 peia ia na prozesciun da San Linert (calogna) demez, ales 16:00 él sô Oies na santa messa. Les ciantarines y cheres co cianta ienn é periades da ester belo ales 15:00 a Oies por emparé ete les ciances. Eniann él gnü preparé la liturgia da les eres dla Slovenia.

Conzert: en domegna, ai 24 de forá ales 20.00, sarál a Al Plan tal salf dla Scora de musiga le conzert „Lettere d'amore“. L'Ensemble “Il Pinzimonio vocale“ porta dant deboriada al liutist Pietro Prosser y ai violinis Joséf Höhn y Andrea Ferroni musiga profana de Hieronymus Kapsberger, Claudio Monteverdi y d'atri. Simon Kostner lí danter ete leteres d'amur. L'entrada é deban y düc é der bel inviés.

KVV/1 - Pensiun „quota 100“: i agn dal 2019 cina al 2021 podarán jí en ponsiun con la reforma “quota 100”. Le condiziuns é na eté de 62 agn y almanco 38 agn de contribuc. Al ven aconsié da lascé controlé cöstes condiziuns dal Patronat KVV-ACLI.

KVV/2 - „Modello RED 2018“: pensionés co á cíafe dal KVV na comunicaziun co reverda la detlaraziun RED 2018, dess tó en termin por verificché (debann) sce al vá debojügn da fá o nia cösta detlaraziun co mess gní dada jö anter i 28 de forá!

Zenter Families Mareo: le ZFM organiseia en lõnesc ai 18 de forá “A tomp de lõna con i schi da fondo o a pe”. I plü gaierc peia ia d'Al Plan-Pespesc ales 18:30, i atri ales 19:00 dai Tamersc. Tal Rifugio Pederü s'aspetel na bona pasta por les 20:00 - 20:15 tal Rifugio Pederü. Preitambel se prenotè anter i 17 de forá pa Luca, ☎ 338 6690440.

Internet asvelt: al vegn lascé alessei che le Werk d'Al Plan ess la poscibilitè da ativé internet asvelt tres radio cina a 30 MB co podess gní arjigné sce al é assá enteressenc. Chi co ess enteress è periés da telefoné te ufize ☎ 0474 501245 por se lascé mete sôn na lista provisoría, co n'ô nia dí ch'an va ete a val contrat o obligaziun da messei spo ince tó l'internet asvelt.

Dòt le bun a:	Otilia Ellecosta Gasser, <i>Rina</i>	* 17.02.1929
	Lois Willeit	* 20.02.1939
	Maria Maddalena Feichter	* 21.02.1939
	Vitoria Angela Erlacher	* 22.02.1933
	Lois Trebo, <i>Al Plan</i>	* 22.02.1935
	Vesco Ivo Muser	* 22.02.1962
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



Ann C

17.02.2019 - 6. domegna ia por l'ann

n. 12

Ralegrésse y iubiléde! Osc paiamont sará gran tal ci. Alleluia!

📖 **Ier 17, 5–8 | 1 Cor 15, 12.16–20 | Lc 6, 17.20–26**


Dal Vangelo do San Lúca:

Te chel tomp ¹⁷é Gejú gnü con i dodesc jö dla munt. Tla planüra él sté chit con na gran schira de sü discepui, y trepa jont da döta la ludea y da lerúsalem y dal raiun dla spona de Tirus y de Sídonn gnea adalerch. ²⁰Gejú á ôt sü edli sôn sü discepui y á dit: Beac, os püri, deache ost é le regn de Dio. ²¹Beac, os ch'i eis sen fan, deach'i gnareis pasciontés. Beac, os ch'i bradleis sen, deach'i riareis. ²²Beac, sce la jont ves á le senn y ves slüj fora de sôa comunité, sce ara ves baia da reicro y ves descrediteia, por gauja dal Fi dal Om. ²³Ralegrésse y cighede en chel de; osc paiamont tal ci sará gran. Deache avisa ensciö él sté sü peri co á fat con i profec. ²⁴Mo guai a os, ch'i seis ric; deach'i n'eis plü degüna consolaziun da s'aspeté. ²⁵Guai a os, ch'i seis sen pasciüs; deach'i areis fan. Guai a os, ch'i rieis sen; deach'i baudiareis y pitareis. ²⁶Guai a os, sce döta la jont ves lalda; deache avisa ensciö él sté sü peri co á fat con i profec falc.

Oraziun dal de

Periun! Oh Dio, tö ti ôs bun a töes creatöres, töa ligreza é da abité danter la jont: dassé n cör nõ y net co sii arjigné da te tó sô. Por nosc Signur Gejú Crist, to Fi, co é Dio y vir y regneia con te t'unità dal Spirit Sant por düc i secui dai secui. – Amen.

(Lezionar C)



📖 **Letöres dla 7. domegna ia por l'ann:**

1 Sam 26, 2.7–9.12–13.22–23 | 1 Cor 15, 45–49 | Lc 6, 27–38

Edema liturgica dai 17.02. ai 24.02.2019

DOM 17.	6. domegna ia por l'ann <i>I set sanc fondadús dal ordinn dai Servic, Marzel</i>
08:30	gran messa por dōta la ploania y por i tomés y pordüs te vera, funziun te cortina <i>oferta por i debojügn dla ploania</i>
10 y 18	s.m. a Al Plan
Lön 18.	Sciomun, Constanzia
07:30	s.m. a Al Plan
Ded 19.	Irmgard, Bonifazio
07:30	s.m. d'aniversar por † Giovanni Ploner, La Munt s.m. d'aniversar por † Anastasia Terza, André s.m. por na porsona amarada
Dem 20.	Amata, Iordan
18:00	s.m. a Al Plan
Jöb 21.	Pire Damiani, German
19:30	s.m. por defonti dla fam. Isidor y Frieda Agreiter, Brach s.m. por † Berto Ellecosta, Longega
Ven 22.	fiesta dla Catedra de San Pire , Diego, Isabella, Margareta da Cortona
07:10	s.m. a Al Plan
Sab 23.	Policarp, Otto, Romana
18:00	s.m. prefestia a Al Plan
19:30	s.m. prefestia por defonti de Jep Agreiter, Brach s.m. por † Lena Frena Brandlechner, Sotrú
DOM 24.	7. domegna ia por l'ann <i>Matia apostul, Ida</i>
08:30	gran messa por dōta la ploania <i>oferta por i debojügn dla ploania</i>
10 y 18	s.m. a Al Plan
ampola:	por fam. Frontull, Mareo
ministronc:	► da doman y domegna: Francesco y Laura ► da sera y domegna: Samuel y Jan
i recordun:	Mattia Astner + 18.02.2017 Anastasia Terza + 18.02.2017 Paola Kehrer Moroder, Urtijej + 20.02.2015 Giovanni Ploner + 20.02.2016 Scholastica Agostini Mayr, Pichl/Gsies + 22.02.2009



Le tru dles beatitudines (Lc 6, 17.20–26)

I ponsi do

La maniera da ponsé de Gejú é dagnora val de straordinari: ci co ven desprijé dla jont laldel el y spo endô avisa le contrar. En messaje co va daldöt cuntra le ponsé dla jont. Le discepl de Gejú ciafa la derta ligreza y contenteza, sōa beatitudine, tal stil de vita proponü dal Vangelo. Al sta a nos creie y vire aladō.

I preii ensciö

Te mio cör á en gran dejier: ester encontont, podei ti dé a mia vita en valor co dōra por dagnora. Al é en gröm de propostes co mo fej la gola y mo empormet ligreza, suzes y beleza. Mo tö, Signur, dijes ch'i dess meter averda: „guai“ sc'i chiri y ti va do a ci co pō saurí da realisé y mo destaca da tōa proposta de vita. Encö, Signur, mo ensegneste le tru dla felizité y dla derta ligreza: ester püre, dejidré les dertes cosses y ester arjigné da sacrifiché la vita por te, chirí la orenté de Dio Pere y nia l'aproaziun dal jont. Al é le tru dles beatitudines: dámo na sbürta ch'i vái cōsc tru con coraji, menemo ch'i le vái con fedelté.

La storia de Noé cuntada ai mituns (6)



Al lascia da plöei

Dōta la ci co ea sōla tera ea jü sot. Sora y chîta jea la barca con Noé, sōa familia y i tiers sora l'ega ia. La gran tempesta ne ti â fat nia. Chelbeldio â stravardé la barca y düc chi co ea lassora.

En de s'â Chelbeldio ponsé: „Sen âl ploü assá. Sen dessel ester roé le gran diluve.“ Al â comané al ont: „Sofla demez

i gran nî fosc, por che la tera vegni endô assōta!“ Y al'ega âl comané: „Tirete zoruch dla teral!“ Spo âl lascé da plöei y l'ega se tirâ zoruch. Bel plan plan odên endô les pizes dai crep. Mo Noé messâ avei pazionza. Ciamó dōrara dio cina che al ess podü gní jō de barca, deache ciamó stopâ l'ega la maiú pert dla tera.



Vita de ploania y de paisc

- **Cunc dla dlijia: la ploania preia eniann che düc dáí en contribut por daidé paié l'orgo**, co va der debojügn da meter a post. Cōsc pó gní paié ete te banca: Cassa Raiffeisen IBAN IT 60 B 08010 58550 000305001820
Cassa dal Sparagn IBAN IT 18 B 06045 58550 000005000568.
Al é ince la poscibilité da dé jō Osc contribut te calogna bas ete les domegnes ai **17 y 24 de forá do la gran messa y en sabeda ai 23 de forá do la messa da sera**. En bel iolan samben ince a düc chi co á daidé a valgamoda o á belo dé ca na spenora por cōsc ann. En bel iolan ince por Osc cör davert a ennom de chi co á ciafe les ofertes menades demez. Desco enjuta ala plata dla ploania él da ciafé i cunc de dlijia 2018 y i cosc por l'orgo. Iolan y Dio s'al páii!
- **Oraziun da Taizé**: i s'enviun der bel ala oraziun da Taizé **en vendres 22 de forá ales 19:00** te calogna bas ete, Marlies, Angelica y Josef.